

集部

欽定四庫全書 禁門六君子文粹卷二至

詳校官中書臣丁崇祚

助教臣常循覆勘

校對官中書臣松承志 總校官進士臣終 **詹録監生臣胡宗高** 琪

欽定四庫全書 蘇門六君子文粹 提要 亮輯歐陽大粹序本龍川集 而此書之序無 考則未必出于亮也宋史稱黃庭堅張未見 補之春觀為蘇門四學士而此益以陳師道 輯者名氏卷首凡例稱或傳為陳亮所輯然 臣等謹案蘇門六启子文粹七十卷不著編 蘇州六君子文件 集部、 總集類

一多 交正庫全書 李為稱蘇門六君子者益陳李雖與蘇軾交 文僅存其要語者觀其所取大抵議論之文 居多益坊肆所刊以備程武之用者陸游 集中録出凡淮海集十四卷宛邱集二十二 卷后山集四卷順有一篇之中刊去首尾繁 卷海北集二十一卷濟南集五卷豫章集四 知於軾故以類附之也其文皆徒 凿 甚晚而師道則以較薦起官為亦以文章見 提 Ę, 家

東定四事公告 題 蘇文生喫菜羹云云益風會所趨併其從遊 學養筆記曰建炎以來尚蘇氏文章學者愈 然從之而蜀士尤盛有語曰蘇文熟與年內 詩差詳校文則召亦頗藉此書以勘正云乾 永樂大典喪輯成帙頗藉此書相補直又張 之士亦為當代所養擬矣然其去取謹嚴猶 **耒寫本僅存字多舛誤陳師道集刊本校** 工文之士所輯且李為集世無傳本令始從 蘇門六君子文粹

隆四十三年六月恭校上 總校 總察官臣紀的臣陸錫熊臣孫士教 官 臣 陸 邶

久足四軍全書 夫亦有推本而後知其至也夫法之所生不 蘇門六君子文幹 天下之治亂不繁法之 而患不能為法不患法 張耒 揳

夏之道寡怨於民商周之道不勝其弊夫舜之禮比於 夏后之時則略矣商周之禮比於夏后之時則備矣夫 其事變之可愿也昔者三代之治不若堯舜商周之治 患故法不勝事則天下之亂紛然而起故治天下者非 益周事日益新政日益工並起而相制則不勝者受其 於無事事起而不可理則法從而經之事日益多法 不如夏后孔子曰後世有作者虞帝不可及也又曰虞 無法之尚也為其無事之可貴也非法備之可削也為 0

樂石恣口之所食肆體之所安夫如是者問其年必壮 とこりにと言う 故也其不足難補也以其嘗補之而不滿故也以彼之 商周之道老者也其不治難為也以其當治之而不信 鍼砭編當而無遗問其年則必老者也夫虞夏之道! 者也深居與處愛養備至樂石百物毒烈備進而灸艾 天下之勢譬如人之一身夫世之人有不畏寒暑不治 者也其不治可為也其不足可補也肚者之疾易治也 四代之治否宣禮不具之罪哉制度日多淳粹日衰矣 श् 蘇門六君子文幹

是則死繼之矣嗟夫天下之不願取辨於法也如此而 金月四月石書 還民之初熟視其亂而莫之禁則將以智加之故曰法 多怨夏之繼舜也豈不知舜之為不可及也商周之繼 夏也豈不知其弊之將不勝也然而明見其弊而不為 之弊起於德不足而求勝其民而敗於故民之邪心而 世之君子因事制發而尤法之不足豈不悲哉夫法度 疾方來而吾之術已窮彼之變未休而待之道已盡如 已何也豈其世變日繁而德有所不足故耶德不足以

多怨嗚呼夏之後為商商之後為周三代之治未甚相 戴君之心而有怨怒忌上之雠故曰敗於答民之邪心而 相勝而姦邪詭偽不可勝究故天下之人始忘其歡於 立門牆則穿窬竊發之盜終身而不為法之於民常制 人足可是 公野 變也其治亂之迹未甚相遠也周亡而為秦天下大亂 一而開其一制之者易見而開之者難防上下以智 3 蘇門大君子文於

起於德不足而求勝其民夫上以智勝其下則下亦以

智勝其上不絡馬首則毀街竊轡之馬終身而不知不

毫而三代之俗遂以不見於後世何也夫法未極則俗 先王之治掃滅而無餘治世之迹卒不能復先王之絲 罰窮矣此後所以必為秦也數 矣此聖人所以深悲之而曰周人之末赍神而贵爵刑 之變未及夏商之法當若極矣然民未大厭也民有未 其智備其質盡其惡甚其美彈故周之亡而不可復為 可以復加其俗之變已窮而民之姦心邪態靡不畢出 厭之心則其淳氣美質猶有存者周之法詳矣極矣不

金牙巴居台書

| 欽定四庫全書 繁與刑政軍舉文勝而質不足名美而實不稱大抵 補完其缺敗而調伏其堀强曲為之防多為之制法度 事簡而易教天下有易教之俗則上無難立之法故有 亂亡之後則其情苦而思安夫惟其情苦而思安故其 古之有天下者必得於紛爭敗亂之後夫人之情出於 心生耆慾之動無窮而罪愈繁故居其上者乃始日夜 國家者其初下常綏靜而易治安平之日久而民之侈 論法下 70 蘇門六君子文祥

勢相激而後變生馬名美者實之所由亡文備者偽之 若使上世之質未散而前人之樸常在也天下之物其 世之不足而備前人之所未成以為成功而不知其不 之過日滋而有司之文加備而世之感者以謂能完上 帖然靜愿而少事而高祖文景得以畫一之法羇縻而 百戰夷傷之餘父子兄弟僅相保聚以安其生故其氣 所自起益當以漢之事考之高祖取天下於秦民出於 國者中世以後天下之事常多而國家之觀益美生民 THE PERSON NAMED IN COLUMN TWO IS NOT THE OWNER.

故天下之難治不在於創始鹵莽之初而常在於積安 於不肖之子孫而漢以大壞此則事衆而法備之弊也 者奮而姦者隨之强者勝而亂者因之紛紛藉藉以傳 安輯之歷數世而天下安妥海內有大亂而豪傑不作 欽定四庫全書 事民意日縱豪俠盗賊稍起於里問二帝乃修明制度 大備之後是故君子必觀其兆而審其宜解其甚而不 此民淳而法簡之效也至於武宣天下之勢久習於無 納天下之才講政備物以與天下戰於才智之中才 **F** (1) 蘇門六君子文幹 Б

**蕢桴而土鼓天下之人茍未厭其為禮樂也則吾之禮** 樂雖足以備天下之聲容藏而勿陳可也相巢營窟 激其變使其勢不為周人之已甚而務使後世可以有 則吾之制度雖足以建九筵之堂五稱之衣棄而勿用 加嗚呼其本果安在哉益天下之弊好强治者必名天 可也不亂則已不必邀其敬不欺則已不必盡其忠是 '居衣薪不封之葬天下之人茍不失為生死之所安 之大亂務窮利者必貽天下之大害夫污尊而杯飲

嗚呼惑者徒見法度客而民不化文理具而功不立日 謂不求備於民矣可久之道起於不求備而效於人不 夜從而加之嗚呼亦失其本矣天下之勢不可以激而 政之設於下使民有未厭之意則後世有作者得以復 吾日取一金馬於是有不得已而取之百金彼猶樂輸 くこうう 加馬故其弊也可以自救而不至於術窮智竭而無繼 而不怨何則彼惟所有者未竭而不厭故也故禮樂刑 厭譬之萬金之家責之千金其力亦足以供我之求然 /1. CIT. 17 蘇門六君子文幹

成是故聖人本諸道而明於術凡吾所以為術者制物 到好四月在言 未用之智則天下久安而無虞然則周人其未足以知 所能者必報之以其所不能徐導其欲激之勢而扶其 嗚呼治天下之難也其為物也大而難舉其為情也雜 此敏彼或者遭其會而有不得已馬故也 民之智不可窮激之以所欲者必得其所不欲窮之以 而不類為之不得其要用之不中其節用力勞而功不 治桁 

是委曲迁緩而使之從也夫人之情使之從我而知之 Land Airlin 恍也天下有不畏刀鋸之刑者則刑之所不能懼也故 不足以立畏爱也使必陳其物設其具則刀鋸金帛亦 也而陳之以金帛此直致其畏爱者也夫刑戮賞賜非 不給矣且天下故有不愛金帛之賞者則賞之所不能 功易今夫欲天下之畏也而陳之以刀鋸欲天下之爱 以刑則成功難除有以役其心使之不得不從我則成 以使入於吾之道也然則何其不直致吾之所欲而為 蘇門六君子文幹

亂之所從起今夫四馬之於車也奔驟舒運至難齊也 執天下之轡也今夫權衡之舉物也右仰則左俯左抑 要雖欲不吾聽而不可得也是先王之所以役天下者 夫人之於馬必待夫躬臨之而後如意耶則一車而四 以吾取執者轡也以一轡之約制四馬之節者執馬之 欲求吾欲而直遂馬者其事繁其教粗吾與物以力相 御未能足也今以一御而四馬之遲速惟十指之聽者 而物之從之也內有不伏之心而吾力之所不周者

金少四月石

之必應者如衡四凶天下之巨靈也商容比千箕子商 之望也舜能使天下不犯於有司而度罪之不可以盡 刑古之知是道者執天下之所必從者如響而制物理 **早高有不可以刑為也故為其所以卑高者而不為** 也舉者有不能使之舉而後抑者用也先王知天下之 則右楊夫茍欲俯則甲之而仰者何與馬欲揚則舉之 . . . . 刑也取天下之巨蠹者而繁之天下雖有悍强不化者 抑者何與馬夫惟里者有不能使之里而後仰者用 1.Lim 蘇門六石子文幹

者也未有義而後其君者也何必曰利夫使不遺其親 其忧我之心也故舜武王執天下之轡者也首梁恵王 也 孟子者以謂不求不遺於民而後民守之不求不後 之而商之為善者悦矣夫武王非徒知尊賢能也能動 知所畏矣舜非徒能使刀鋸也能沮其不畏之情也武 不後其君利之大者也梁惠王以為利而孟子非之何 以利問孟子而孟子非之然其終曰未有仁而遺其親 王得商而善者未可盡賞也取世之望者三人而尊禮

之行其私以成其私是以暑致暑以寒致寒陰陽之不 者所以為今日之霜雪也天之將暑也不以蒸鬱為之 能為也天之將寒也不以霜雪為之也金石烈土山焦 非以其無私耶故能成其私夫將翕而合之將取而奪 精察患王之事私而孟子之事微老子之道納析者也 之從而卒不獲吾之所求梁惠王之術疎而孟子之術 於民而後民先之彼以利而責望於民則民散而惟利 JAJO LOL DI MAIO 其言曰將欲翕之必固張之將欲取之必固與之又曰 蘇門八君子文幹

者之所謂直道不及術者之言也故其道疎魯而多敗 あらい人人言 文王以仁義而王宋襄公以仁義而亡均為仁義而存 世之淺人執小術踽邪逕而流入於請訴之城而曰聖 人無術直道而已矣嗚呼亦感矣聖人之所謂直道非 也震風積雪者所以為今日之炎烈也故邀其反物之 無術之言也過乎術者之言也故其道平易而有成感 功不能逐守其復物之情不能伏故孟子之術低昻天 下之衡者也夫術有小大者邪正耳天下之士徒見夫

自三代以來至於今蓋已數千百年事勢之發雜出而 人とり自己的 治天下之道有歷萬世而可知者有朝不可以知多者 也 也宋襄公不及術者也而況予聖人之未必不出乎析 **亡異何也烏獲之力弘而不用遇盜而三揖之則盜知** 不可期然而如是而為仁如是而為義得之則安失之 服矣無鳥獲之力遇盗而揖馬則死矣文王過乎街者 本治論上 蘇門六君子文幹

金少四月八十日 為義亦有有之而為義彼聖人之治天下其可必者吾 所謂仁義者有生之而為仁亦有殺之而為仁刑之而 夫質之於文是無以異於永炭之不可同也然質之弊 未始一也循之則弊激之則變及覆相代而不可知今 者再能知之其所以為仁義者吾不能必也今天下之 則危者未始有改也此雖歷萬世而吾能知之仁與義 之所謂未有出於不仁不義者而已矣彼将求其所以 仁義之迹則雖聖智吾知其不能前知夫天下之事

とこの はなる 後海可至也有賤丈夫馬不知其為如此以謂水出於 此之謂激之而變者也彼先王之法其初固未當不善 陽寒極不生寒而生暑故物有以同相戾有以異相使 而 西 之而注於海則有所避有所就縱横委曲而不可一 也而至於後世而不能行何也循之故也譬之水也決 則文必至是何也勢之所激故也夫陰極不生陰而生 則決而西水出於東則導而東當避而不知避當就 不知就則力可竭而海不可至也夫聖人之法何 9 蘇門六君子文舜 而

者猶將舉腐餘已棄之空文而求為之無乃已凍子凡 肵 多りで 無禍猶治身者求必至於安樂而無疾也夫求安樂 可哉此所謂循之而弊者也惟其循之而與是故隨其 吾方很依然抱已陳無用之物而求施之則亦何施 法有所不能為區區而循之堅守而不變時日益異而 而立也無乃因於時乎時去矣而法不改則雖聖人之 一者朝不可以知夕者也治天下者必求至於仁義而 激而變從之天下之事如此而不可一也而世之感 四日書 而

或曰三代已來天下之未大治豈非天下之勢有不便 易暑而御葛寒而不變如是則疾而死耳尚何安佚之 欺嗚呼是未達夫變者之論也且天下之勢果何為而 絲絡以去暑凡晦明燥濕之變吾皆有以制之而吾初 有哉嗚呼知此而後可以語天下也 不能自必夫如是而後安樂可為也寒而為来暑而不 無疾則必察夫寒暑之動而為之應故孤貉以御寒而 本治論下

當其威也潘翰屏蔽而王室以之疆及其衰也分裂四 横行而真之禁至於漢而天下之勢遂雜而不一列為 欽定四庫全書 出更為雄强而不可制而後天下之勢合於一而秦始 起也方三代之時列而為諸侯自王畿之外皆侯國也 之末始有藩鎮之强而唐以之亡歷五代而不能改至 同然當其改也必有所懲當其立也必有所利益自唐 三國而合於晉分為南北而一 郡縣以收天下之權而其弊也天子孤立於上匹夫 和安 新产品君子文科 於隋天下之勢雖或不

於今而藩鎮之禍遂大去而不復今天下之勢委於守 侍老之具而必曰壯而後可則惑矣按今之勢而善為 之勢無可否譬如人之自少而之壯至壯而之老也夫 為諸侯猶今之不得不為郡縣也故兩出於不得不為 改 令而分於監司總於朝廷自三代以來至於今何其屢 則勢固有所定而不可變故天下之政有是非而天下 一者未始同而各有所養亦各有所樂茍不知其所以 而不一即其無乃出於有所激數故堯舜之不得不

一欽定四庫全書 為飲食雖美而無用之矣有一人馬强立而不顧則必 哉蓋有二説一日尚虚名而忘實利二曰謹小過而失 大患何謂虚名好堯舜三代之名是也世之學者園 有不曰不如唐虞三代者也大唐虞三代之法豈誠有 坐而議政未有不曰唐虞三代者也其言當時之病未 可得而治也然則三代以來其難於治者其病果安在 之其誰曰不可而必曰唐虞三代而後可則天下卒不 不足哉時易而事遷世變而勢異譬之鑄金琢玉以 卷篇

アンガラファ

人足可員全等 三 |當時之所為予知其必不復為之矣夫天下之禍未始 三代固相期於仁義之地而吾何求其名哉蓋昔者夏 **羣笑而競排之以為臆説而不學而不知吾之於堯舜** 善於貢嗚呼使世之感者必曰禹之法豈有不善哉而 為貢法以取其民至商而為助孟子曰其善於助莫不 能强至也嗚呼使堯舜三代之聖人復出於今而及顏 不自好名始也昔者王莽之井田後周之周官房琯之 不知夫末世之利聖人不能預為而已去之時聖人不 蘇門六君子文幹 四十四十

金りでたんで 矣然木不加盛而日稿又有人馬既植而去之行三年 夫世之人有好種植者一日種之一日溉之一日培之 是果何益哉是之謂好虚名而忘實利者也何謂小過 車戰當武之矣譬如病狂喪心之人越行妄作而不顧 都之民其知秦之政令亦熟矣秦之命令布於田野問 滋數治則殘而稿且秦之吏比漢之初則勤矣遠邦 朝何其長夕何其蕃一日至百而不倦是其爱之亦至 而返而木之大可拱矣是何也凡物之性不擾則樂而

人足可自公里 要 愛木而日擾也彼漢之初雖號為文潤而網疎然不過 謹嚴其細而勞擾之困固已不勝其與矣此無以異於 不知治本哉 未害也彼不求政之所病而乃尤天下之勢嗚呼其亦 之勤而民樂之何則秦之所急者不過簿書文法之間 則何怪乎天下之治哉彼一溉一培之失時於木之性 里之間者亦至矣而民亦怨苦而漢初之吏雖不如秦 ,她於簿書期會纖悉委曲之間而民乃不至於勞擾 蘇門六君子文科

益非特辨目前正人事茍為治安而已天地之功而與 草木之無情天地陰陽之不測皆能制其靜動而導其 言而天下嚮風百官有司夙夜以治職赴功而天下之 告者堯舜三代之時天子拱已優将於上至於無為不 金グロルと言 和時其消息而治其變不至者能格之不順者能柔之 務無有不成及其至也至廣之於人至坐之於神山川 有力馬鬼神之造而與有制馬故堯舜三代之治至於 治原論

舜三代以來更素漢數千載世之君子有意於治者仰 也九官之治莫不為萬世法益當更數聖人而莫之或 望先王之時而俯視後世之莫及也咨嗟嘆息以謂卒 とこのはなる 加矣何則彼之所建立者極天下之理者也嗚呼自幸 不可至者衆矣益亦不原其本甚矣天下之理在我者 可善先王之時公卿大夫修身以格物而至精神以治 有所不修而物無不可治立誠者有所不至而俗無不 蘇門六君子文科

匹夫匹婦皆有仁人君子之風者非過論也所至者然

動员四届石量 神夫人情之不可誣也言之有不應者矣諭之有不動 物應事舉而人諭者君子之未節而非其至也必也不 職不過是二道而已嘗試言之君子之道至於言出而 之所以能修者何也吾誠之立故也吾誠之所以能立 者矣去言屏事而天下治者何也吾身之修故也吾身 言而物從泯事而人勸心正於內身修於外天下化之 不知所以化者君子之威也故曰所過者化所存者 何也吾性之盡故也能盡性則能立誠能立誠則能

故聲不能使聲者聽色不能使替者視彼其所及者盡 久足四巨人的 图 其迹之所至者耳迹之所不至雖近而不感何則力治 修身能修身而後能正物益正物以迹者功淺而有窮 者馬譬之日月也日月之為光非期於辨是物也然日 直大小纖細必察而日月宣固與是物辨哉譬之江海 其聲不待言其象不待视故其及物也得吾之所不期 其外而無以鼓舞其內故也夫惟至誠積於心終於身 月無勞於上而天下之物茍有形者皆効其景於前枉 蘇門六君子文幹

三代之治其能格物若此者何也修身之功也古之君 悠然使萬物莫不得其職而我初未當與物期也堯舜 然凡在吾澤之所及者稿者滋齊者充而江海豈固澤是 遂枉者自正未曾怒也而惡者俊未當喜也而善者勸 期於潤而澤之所被者不能外君子修身立誠於上則 其道大而化之矣凡物之在吾化者亦莫能逃養者自 物哉故日月不期於明而明之所及者不能逃江海不 也注浮潤澤者吾之事固若是而已其於生物未數數

為也有形之於無形有情之於無情至大而至毫釐至 猶懼其不能何暇外慕哉且物之在天下者人無不可 中则恥之矣故先王之因任也因能以授之而人之受 所不學而所學恥其不成王良之不能射不恥也車不 子其治職也不恥有所不能而所能恥其不盡不恥有 顯而至鬼神其初皆物色其動一致其事一理然判而 之也無喜心則我之所當處也無後慮何則終身由之 正馬不順則恥之矣异之不能馭异不恥也射而不能

人工可可以到

蘇門六君子文粹

實智天下之事舉何以其是哉先王之官其能致物者 皆如龍也後世仰望而不可得者皆如以龍為神而不 龍之為物世之所神而不可見者也然其初泰而御之 之淺術末智者不能盡其理之所通則其物色有所室 也何以異於馬牛使人神之而不可見也非龍為之也 别之使不相為異而絕之使不相通者非其理然也世 多好四月在書 矣智之所室者術之窮祈窮於其智而天下無能事矣 人之智不足以致之而自絕之也故曰人實不智非龍 1

|治其事有毫釐之不知則且以為辱矣夜以思之朝以 地之間吾之力無有不能為之者馬故善治者役物而 行之父以是傳之子子以是傳之孫索之而極其微鉤 不善治者役於物役物者物制於我益可慘可舒可翕 之而窮其深是以百官皆修其方而能致其物凡在天 不能制故其緩也或急之其行也或止之惟物之所為 可見者也故先王之臣不求多能而能極其能修其官 、關吾所欲致者物聽命馬役於物者聽命於物而我 1:1: 蘇川六君子文降

其事而貪其名職廢於朝而各不及其身敗其官而公 雜操而為漢天下之士知學者鮮矣雖或學馬得其正 精之功也嗚呼三代之政既亡刑名刻薄而為秦王霸 則雖有善教而民不從聲者之言宮商瞽者之言白黑 昌其禄何怪乎物之不顺命而至也故身不修誠不充 怪乎應者之不如其欲也官設於上而人凱於下不能 者亦鮮矣污其身而望人以潔枉其身而望人以直何 而已故堯舜三代之官所以能治職而後世莫及者致

道有小大有本末隆其大建其本而使小者末者從之 學奕而志鴻鵠舉不足以勝其偶欲以滅裂之誠而成 No. 10 TOTAL STATE 天下之務也亦難矣故秦漢不如三代也失其本矣故 修則妻妾違之一國一邑之衆而望其不我違也難矣 牛羊癣而牧者無罪也幾何其牛羊之不盡斃矣身不 |聴者笑之矣何望其信之也何則彼言之者非其任矣 正學以修身明恥以致精而庶乎先王之治也天下之 人有樂進之心而殆其事與殆其事而不任其恥則是 ¥8. 蘇門六君子文幹

多分四月石量 文學學其末也後世儒者非不務修身也惟其學者不 未必皆知本也獨於儉則有本矣有本之効至於如是 之日天下化之宿将大臣為之俊革而不終日綰之學 也亦遠矣然綰至誠能儉而已一致其誠於儉而為相 知其本而超其末先其文而後其實是以儒者接踵於 而後學之道正矣顏子之好學學其本也子将子夏之 之速則天下之不吾聴豈非士之修身者本未立歟故 上而無補於天下之治亂楊紹唐之君子也其望聖

重無甲人之所輕均天下之事於一誠而祭其能辱其 とこりこ バイラ 性 格 則事有輕且賤者矣使人恥賤而羞卑者未有不自此 不能則士有恥矣人之所輕而卑之則人恥習之矣人 此先王隆本抑末之政也将明恥者有道無隆人之所 沮以勵之官師以益之而後所隆者人勘所且者人畏 恥 習之望其不能而知恥不可得也人之所重而隆之 在正學正學在子隆本以抑末然後教化以明之勸 物在立本立本在修身修身在致誠致誠在盡性盡 蘇門六君子上将

者不恥職之不修執技者不羞技之不工是天下之事 才異能之士也惟其心侈大而不肯自守於一隅治職 和廢時亂日而刑至於征故罰不至則罪不彰罪不彰 卒以汗漫而無成蓋繇不能抑洪水而罪至於殛死義 之别也均為朝廷之事耳是數人者知取其職之不修 所處則有貴賤精祖矣而舜之於數人者未當有輕重 始也禹為相而變為樂工伯夷典禮而皋陶治囚論其 而已不聞其有粗精貴賤之間其心也天下未當無奇

銀分四月在書

者方其未亡也皆皆有爨矢然人主安之而不忌信之 使為亂原者也西漢之亡也以外戚東漢之亡也以宦 蛚 而不疑卒至於大亂而後已豈非天相之哉唐之高中 國家之亂害在於違理害事最深最要而世主甘心不 明 くこう直 悟不懼之處若有物馬而左右之此天之所以倍壅將 恥不明故嚴不職之刑者先王明恥之道也故正學 恥而先王之治其庶乎可為矣 亂原論 11417 10 蘇門六君子文幹

在身播國屯德宗輕於用兵贖武不戒而叛臣內侮禍 制命婦人一奪其國一殺其身明皇玩異類而安史得 **溫亂子產口係開之如是者常有子福子産豈求之他** 禍凡百君子見本可以知末觀微可以知著陳靈之 不解文宗知人不明信用狂妄欲求大功卒成甘露 蘇門六君子文粹卷

多为四百百百

情 欽定四庫全書 昔者先王之時議事以制不為刑辟者何也夫天 とこのほという 治無窮之情而不得少議於其中而惟法之知則天 「無窮而刑之所治有極使天下之吏操有限之法以 蘇門六君子文粹卷: 論 宛丘文粹 憫刑論上 蘇門六君子文幹 宋 張耒 撰

之情無乃一枉於法而失其實數是以先王之時一 於後世其所以治天下之具不能如先王之威時淳厚 諸人而不任法是故使法出於人而不使人出於法至 屬止於三千者法之所不可移惟其輕重之間有所謂 之德衰而吏有率私以立法恃其無法而放肆者故後 立而不偏廢移王之刑以謂輕重諸罰有權大五刑之 世始有刑法之書以治天下然天下之弊雖不可以不 而天下之情不可枉也是故法簡網疎而人與法兩

欽定四車全書 要 任法而廢人子當悲夫後世任法之弊也蓋其弊非獨 時而天下猶未受其弊嗚呼奈何一歸之法而不任人 權者是故猶不廢行法者之志方是時罪入於法之內 罪無必而易移法有限而難動故罪輕而法重也不幸 法不足以盡其情而其極乃至於變其情而合諸法蓋 也自秦漢以來治天下之具尚且減裂務使天下為不 則歸之法罪出於法之外則歸之權雖不如先王之盛 可欺而待天下之吏以謂不可使少行其意也故一 蘇門六君子文幹

竟舜之際與夫三代之盛時至於鳥獸之無情陰陽之 精修其人才皆足以過絕天下而上有聖哲之絕德故 重刑以當之則有出之輕者矣變罪而附法失情而合 未始不自夫賢不肖始也先王之時天下之事簡肅而 文不畏情之不盡而慮法之不合益其間有所謂疑愿 無輕刑以處之則有入之重者矣罪重而刑輕不幸無 下而天下無正刑矣予當推其原而後悲夫天下之事 而正諸有司者十不過一二而已矣嗚呼任法以治天

欽定四庫全書 — 者不及於先王之時而間之以不肖至於近古而任人 是言之則人之所以精思極慮以治事赴功者何如哉 官而四時之官皆能候天地之氣導其節而制其和由 **廢缺夫惟得人如先王之時故可以舍法而不任而賢** 之道盖已大壞賢不肖混亂而不可知天下之事日已 之事日以繁亂能偽生於其中而信厚之德薄人之賢 自聖人之亡其後世比於先王之盛固已少減而天下 不可測而人之才智皆能為之故其後有豢龍御龍之 **队 二** 

常至於沮而不行者何也是其立法非人之情故也何 立法以糾天下之過者必欲天下行之而不敢逆然而 謂非人之情夫天下之所共惡者而持輕之天下之所 少簡姑無望其不為刑辟人與法並行者可以庶幾矣 人之弊也夫惟能隆任人之析詳於擇人而後法可以 不可知故一歸之法推其原求其本則法之與益出於 不肖之相半也故人與法並行後世非無賢也而要以 憫刑論下

者不幸而遇之而考於法則重則行法者必有不忍之 之罰凡此者天下之情所不安者也今夫天下之情有 共恕者而特重之不當恕而强為之仁不必惡而過為 行也夫人固有不幸而入於刑者有誠犯而其心無他 故必入而處之於重夫如是則是好為輕者之有所不 法則輕而不足以懲之則夫行法者必有不平之心馬 所謂很惡而不逞舉指而惡之者幸而入於刑而考於 · 1. 1 -- 1 /11-心馬是故有出而真之輕夫如是則是好為重者之有 蘇川六君子文阵

惡聖人不强恕以為仁天下之所哀者聖人不深治也 |欽定匹庫全書 天下之情而無所出入使天下無不樂之心而後可也 所惡而吾報之以所惡天下之所恕而吾寬之以所欲 故法立而天下安之傅之後世而不敢易夫犯天下之 之法因彼之情故也故欲吾之法立於天下者莫若原 則天下之吏雖不知吾法之所為而固已陰服之矣吾 信然卒不可變者天下之好惡也惟其然故天下之所 所不行也皆者聖人之於天下其言無不聽其令無不

後之惑者不深求先王之意而求夫恩威之名而不究 其實以謂恩主於貸而有罪者舍之以為恩思有所禁 怒彼固以為可欺而問人之心至矣故人之不察其過 行吾法者有不樂於其心而固取亂於民使過於輕耶 不然也天下之情自顧其所為誠有拂於人而人不加 民將懷我彼行吾法者之不快是何足顏也嗚呼是大 アノス・ローラ とうまし 何怪乎吾之法不立哉或曰吾之法過於威耶則不惟 小過者行之以為威行之者不快而被之者不服則 蘇門六君子文料

悦服矣 |多方四月百十 告者聖人之立法告天下以其意而已故常立其大防 為惠以諂天下之情也殺之而當其罪雖曰殺而天下 而其節目委曲所以施於事者聽夫人之自為而不於 而知德者君子也尚何懷之有哉夫治天下者何必茍 下之事繁細瑣屑其情狀萬變故不可以一致以吾 切先立於我是故法立而意行意行而利至益天 法制論 **!** 

之所使無顧於敵者之何如而惟我之為聴夫如是則 **感者未之或知也今夫世之教戰者其為行列什伍亦** 行馬則物有受其弊者矣天下之法常壞於此而世之 則事将有格而不得成者夫其勢不可以有成而必求 日必如是而後勝如是而後敗其委曲項屑一切先為 不過數者而已彼豈不欲盡與勢有所不可也何則敵 人區區之聰明而先為之經畫於此而使之一從於我 人之智百出而不可測而我安能委曲而豫測之耶必

欽定四庫全書 意猶在也嗚呼三代之聖人其聰明聖智足以深見天 告天下使無違吾意則其委曲瑣屑雖小不盡而吾之 百里而男之地方百里使之大小有序而又列為九服 必敗而已矣善教人者晓之以其道而不示以其事故 又為溝洫之制自一夫而積之至於萬夫公之地方五 而為井田欲分天下之地而為之諸侯九夫為井人 百畝而耕之使夫大不得以無小强不得以并弱而後 下之贖隱然其制法也亦何以異於此欲均天下之田 蘇門六君子文粹 六

而不亂是以天子拱已優游於上而所以均齊天下之 蓋當是時公卿大夫凡當其職者皆得出其智以盡天 甲之不齊,廣狹之不一水泉畝畝之差殊與夫名山大 設其大端而已何也蓋聖人之告天下者特其意而已 枰之上哉彼聖人之法不為之纖悉瑣屑以盡之而特 川污池數澤之地常居十五則亦安能較然如畫於 下之變因規而為之規因矩而為之矩使之各稱其宜

之遠近夫分田建國之法如是而已矣夫天下之地髙

違法法可違也意不可違也夫天下之情常樂於有所 患於不詳而天下卒不能行而不知其患乃出於好詳 是故善用法者有違法無違意不善用法者有違意無 難者也不善為法者則不然窮析天下之理於一身之 聰明持區區目前之智而斷萬里未來之勢故其法不 所以有所動作而天下樂之雖天下之大事而為之無 其中初若莫可據法而吾之法卒立乎天下此先王之 理亦莫不如意而天下安享其利人人皆得措手足於

欽定四庫全書

蘇門六君子文幹

Ł

J. 17 ... 1.11 為而困於 齟齬而不得放夫使人人足以自致而其終 其外如怯其節足以斷大事成大功而其外若不能有 馬則有終身不可窺者故其勇足以暴三軍服四夷而 甚矣用人之難也天下之實才常深伏而不發非遇事 所為者方其未發也其言語動作坦然無以異於常人 不失我之所欲則亦足矣何必區區乎使之從我而後 知人論 蘇門六君子文幹

多定四库生書 卒然即之而不知其遇是故非有深智英明之君不得 視其外即發揚振厲而若勇其中實庸而聽其言則辨 而用之而世之小人常有以自敢其不肖以感世主之 給開敏而若才卒然即之若真可與有為者是故世主 聽而卒敗天下之事可勝嘆哉彼小人者其中實怯而 往往甘心而不辭至於謀窮計失而後悔悟嗚呼用人 難也如此益害聞之古之求知人者於人也不觀於 似而察其中於已也不逆於耳目而逆於心察其中 

與之以兵尊之以權提孺子之天下使之謀之而光果有 實才亦雖欲伏匿而不得蓋昔者霍光之所為固非有 則見其所窮逆於心則為慮也深彼小人将欺我也不 ここしい という 以當之也蓋當其初委任之際朝廷之臣就不以為過 爾非有武帝之聰明不足以知之故卒然用之而不疑 征伐攻取之謀而文采緣飾之可喜也樸然庸人而己 吾應之也常出其所不意而後小人之情見而天下之 過多為形似以動吾耳目之間而已彼安能為實哉而 蘇門六君子文幹

多定匹库全書 生之所為豈可以占其後之所發哉議者不知武帝之 其憤亂也甚矣不爱高爵重禄以致天下之士投至誠 安肯棄而不求而授一木强之霍光哉唐之文宗的宗 治軍旅決成敗而書生儒者之論孰非仗節死義之人 其任彼徒見其成功而後知之不知當時之人才足以 用光蓋本知人之明而遂以謂當時之臣惟光可以勝 而與之此其志皆可與立功而其取人無術故徒以益 之而至其有所立則有震懼而不敢與者然則光之平 卷二

數萬而不能取李克用之一鏃卒之身滅國弱為天 其難之也 李元平好大言而屬播授之權卒於無成為天 笑彼二君感於形似故也李係好言兵而王鐸與之兵 亂彼李訓張濬者其言動作止如可以立功者也大言 其後卒然而發以區區之官人不能少制其亂提兵 不顧敢為而不憚故二君感之雖有間馬不可得而 人之知人 獨視其外而可以不疑則知

欽定四庫全書 以謂宰相為不可慢而況其君子嗚呼又非特如此 則天子之勢亦畢矣夫人之情涉江河而畏險則終身 左右朝夕之所接以取謀而使天下之人有輕之之 天子能使天下之權在宰相而進退宰相之權在天子 敢行海何則彼以謂江河為可畏而況於海子彼 以私宰相也而其勢乃所以自尊今以天子之輔相 如是者可謂知馭相矣夫天子之所以必尊宰相者 馭 相 蘇門六君子文科 與人以權者必使之其利在我以謂與爾以權者凡以 羣有司必使之一聽於我而後可則彼有罪而吾將無 故不幸而有過吾有以責之夫使宰相之勢無以異於 權猶為不任而已矣故必使之可取可舍可賞可罰舍 吾為不能獨治也而後擇相而委之委人以事而奪之 以責之而彼且有籍其口矣故曰宰相不可以無權 已也使天子之力足以辨天下之事則何所俟於相以 吾疑之之心而使少行其意而後彼得以自盡夫如是

收之則幾何其不為患也誠得天下之至賢如伊尹周 與鷹者方其逐禽於野則必解羇弛禁縱之而不制然 為我也斯可矣使竊吾權而據之久而不還以為已私 至不順而害人則吾必能制其命夫能縱之而不足以 利則吾將折而受制此天下之大患也今夫世之畜犬 才而忘其污或以功而舍其素未必皆天下之至賢也 何所復求然天下之賢不可以常得而吾之任人或以 公霍光孔明之徒不以天下易匹夫之命者而任之則

欽定四庫全書

蘇門六君子文幹

竊天子之權攻伐出處放意恣行而已而漢魏之主惟 恭盡禮而至其有罪而不恕有殺而無罰夫惟能致禮 こくこうこと ここう 徳宗則疑宰相而不任懲奸臣之弊而謂天下之人 其無有以制之是故養其勢固其身而卒盜其位若唐 則宰相尊而有罪不恕也此所以為天子之權數故曰 其不為亂其庸可得乎故古之待大臣者天子為之致 夫使擅天下之權於掌握之間而吾無有以制之而望 必使進退之權在天子夫曹操司馬懿父子初不過得 Ę 蘇州六君子文幹

之職者唐德宗是也是二君皆過矣嗚呼天下之事不 故當是時藩臣有輕朝廷之心彼一人之聰明而當天 可以無術也而馭相為最難或者不知其故以為先王 以權而我不能收漢魏之主是也畏權之去我而奪, 而無出力死難之意則宜其陵犯而無忌也嗚呼與人 不可信乃一切自用其聰明當時宰相奉行文書而已 下之亹亹則數見其所窮而左右大臣皆有苟且之志 本於忠信而無術不亦終乎夫坤之道臣道也 


忠信耶 者未必藏也至於遠方之物山海之竒産與夫人力之 者少也今天醫之為藥也金石草木之珍世之所共有 有以過夫公卿大夫也為其事之不常有而人之能之 而象為馬吾未見馬之可以亡馭也馭之以称何害於 ハス・リー シェー 天子之臣自公仰大夫雖或闕馬而不足為急其不可 日闕者其為將子夫將之所以為急者非以夫任之 將論 蘇門六君子之降

以措手足卒然求其人而易得也講其術而易聽也譬 則避而不願見者也故其為事不常有於天下幸則千 矣然其為事也天下之所習知故其為術也人人皆足 銀定匹庫全書 之於金石草木之珍其所治者大矣然人人之所知而 人戰勝則生敗則死天下之人無事則廢而不講有事 有之雖不素有無害也或一旦之急提百萬之卒以與 而財用之不登刑罰之不平而禮義之不與其為患大 不可以常得者則必預蓄以待其用今夫百姓之不安 

寓其法於六鄉六遂之間使卒乘車徒之制素具而朝 故人之習之者少非卒然可以朝求而夕得苟取而驟 萬人之間而有一人馬學馬而知其術用馬而見其利 廷之公卿大夫外之諸侯之君朝聘宴饗從容歡欣之 好爭之心而常陰求天下之奇才以待不測之患益當 際心陳弓矢以講射而四時之隙則命有司以講武以 王知其然故雖隆仁義禮智以化天下之俗消伏悖戾 用者也譬之有疾於此而待遠方之奇樂豈不殆哉先 くろりゅうか 蘇門六君子文幹

獸蓋餐宴者人情之所樂而弓天者威武之事田游者 之而已養之有術以致其才求之有方而知其實此先 将也非特能求之而又能養以致之至於後世秦漢以 逸樂之事而殺獸者征伐之容蓋先王所以蔵天下之 來其應天下之發已不能如先王之時而獨知求而用 氣使之一旦習知其術安之而不懾也是故先王之於 所畏於人情從容之際凡此者所以陰養天下豪傑之 天子之尊而馳騁於草野親金鼓干戈之勞以財取禽

多分正居石量



金罗巴尼人 蘇門六君子文粹卷三

所謂人 久定四重全書 欽定四庫全書 **穌門六君子す** 論 宛丘文粹 人主之利勢者惟其能供天下之所求而我無所 敦俗論 、雖欲去之而不得蓋惟其能貴故天下之賤者 人故能奔走天下使其進退取含莫不在我而天 į 蘇門六君子文粹 宋 張耒 撰

心者何也夫天下之人不可使求為利也夫使天下之 富貴之知而見其己之尊嚴然其率天下也何其退約 貴者人君操之以用其下者也雖然天下之利惟富貴 尊之惟其能富故天下之貧者宗之使之脫然舍去斯 二者則天下之人誰肯以區區之名而服之哉故富與 人惟利之為求則大者篡小者叛惟其得之而後已鳴 **廉避教其民務為安貧樂賤之事而深抑好爭務利之** 而後可為則先王之治宜其隆勢利重權位使其民唯

呼使人皆欲得其上之所樂則將日仇其上而奪之矣 庶恥沖退之道使之輕禄位而賤權勢而惟仁義之知 以長享富貴之利求其安而無亂服而無爭是故為是 如是則吾立於天下之上不亦甚殆哉是故先王思所 世莫及而考其教化風俗之美詩書之所載後世亦無 之人那則吾指國而與之有不受者矣三代之歷年後 所甚貪也然無名而不敢當嗚呼使天下之人皆仁義 公卿之爵人之所欲也然三遜而後受萬鍾之禄人之 蘇門六君子文料

皆有嚣然樂富好貴之心而不安其分及顏其貧髮而 有繼之者然其効可知也子當悲夫自聖人之亡後世 去之而天下之亂始起矣故後世之所謂利其國而自 惡之而日思其所以去之之術夫惟人惡其貧賤而求 之治天下者不明乎此也開功名權利之門以誘天下 安者未始不亡其國而自危也昔者秦之俗蓋若此矣 而使其民汲汲然惟利之知而幸其區區之功利尚功 而賤德貴才而廢道與勝而羞退進位而甲齒故天下

į

能利其始若迂而效最切蓋老子曰非以其無私耶故 能成其私夫成其私而惟私之求則天下去之矣夫惟 目之所習有以使之而無足怪也嗚呼功利之不可故 求故秦之民皆忘其上而利其身功成戰克而後天下 人足四年全野 图 也如此養虎之內不敢全而生委之懼其決裂以動其 之人移其勝敵之志為響君之心蓋其平日之所養耳 方其疾戰不顧以取諸侯也使其人惟攻戰爭奪之為 怒而況持爭具以授之數夫先王之道其始若鈍而後 蘇門六君子文科

遺而後之則聖人之所以安其身者豈匹夫匹婦之 遺其親未有義而後其君利者意非以危國而其極至 近數嗚呼孟子可謂知利之實矣 於國危仁義者若非所以自利也而其效也使人不敢 以仁義其説以謂上下交征利而國危又曰未有仁而 不能得其所欲者子蓋梁惠王問孟子以利而孟子對 公以得天下之情者天下之所歸也天下之所歸而有 ラロ人

久足可事全對 矣雖有所遗而何害吾之大利哉通此說也其知用大 将人人而較之則吾之為工不亦甚勞而長短大小之 中者居多故雖不知國人之足而吾不失驚優之利必 也度其中而為之夫一國之衆雖不能盡合於吾隱而 能用大而後能治天下而用大之術為最難夫惟有所 殊要之不可盡得嗚呼使吾之為屢足以半國之人足 治而後法立矣優人之為優也非量國人之足而為之 不治而後能用大矣何則治天下者莫若立法有所不 73 蘇門六君子文科

包羅籠絡使天下之智巧不足以用其姦乎吾知其不 能也夏后氏之為忠也使禹不知後世之将野則禹不 猶是也夫以聖人之智猶有所屈於事物之變則立法 智也知而為之是禹以無如之何也商之質周之文亦 乎夫立法以治天下而吾之法果足以盡天下之理 人情之外者吾有所不治也而吾之法立矣且吾之法 以通天下之情至於聰明之不及思慮之所難測出於 以求盡天下之理吾知聖人有所不能故立法於此足

人二日西人生 图 者徒見其為法之畧以謂不可以施於事而不知聖人 雪膾炙者百人而惡之者一人膾炙之美未害也使吾 如井田封建車徒之制亦不過設為大法而已世之感 法足以當國人之十九則吾之利多矣其所不及馬吾 果何為而起數無乃出於天下之大情萬物之常理耶 示之大法不以臆度之區區而預盡天下之委曲茍有 以來更數堅人其講天下之法亦詳矣然後世可考者 可以無鄉矣非不欲鄉也勢不可也嗚呼自堯舜三代 蘇門六君子支幹

為也吾不若從其逸而擇夫為利者為之也嗚呼何至 精無害其為食故曰有所不治而後法立矣傳曰小有 金月口屋人 之論也或日量國人之足而為優不畏勞者能之盡天 所治者大有所失近有所遺者遠有所包此達於治體 不合亦付之而已一絲之不齊無害其為裘一粒之不 以盡得雖貴於終身之力而為之何憚馬吾知決不可 日非勞與詳之避也國人之足可以盡量天下之情可 下之情以立法不厭詳者能之吾未見其不可也應之

人名可语 白香 行馬是故有鄉飲酒以見其仁而又制熊禮以見其義 無統之使之兩立而無善並行而互用而後仁義之道 於貴貴君臣之間知親親而貴貴之義發則為而不嚴 禮之道仁義而已矣夫仁主於親親長幼之際而義主 知貴貴而親親之仁亡則嚴而不和是故聖人為禮以 用大而後能不出户而治天下無遺應矣 屑屑然語治天下之勞哉知所以立法而後知用大知 禮論一 1 蘇門六君子之弊

舉旅於實凡所賜爵則自賓以降再拜而後受夫库門 等主人之於賓至於不敢酹而酹介則主人之禮已早 於西南而主人親酹之初不敢酹寡示尊也至於燕主 中庭君揖降一等而已鄉飲之禮主人尊賓故介猶坐 金月四月日日 之外已遠矣而加拜馬賓至中庭已近矣而降止於 人獨升立席上西面特立而公鄉以嫌而不得為賓君 故鄉飲之禮主人拜迎賓於庠門之外至於燕則賓入 君舉旅賜爵而賓拜而後受則主人之禮已重是何、

之者也夫仁義之道本乎心待禮而後見於外而君子 方其率衆以明長幼之序則使民尚齒而知貴賤有所 **设定四車全書 盐命其衆者也而主人者鄉之大夫與夫黨正之屬故** 之於仁義其行之或過而眾人之於仁義往往不及非 幼之齒有所不序故一以盡義故禮者節文仁義而行 而大夫為之賓故將辨尊甲之分則使民尊尊而知長 不行故一以盡仁而燕禮所以明君臣之分君為主人 蘇門六君子文幹

盖鄉飲之禮所以正長幼之序故賓者衆之所尊而以

長有教誨之義則其道主嚴而以齊衆出令為主夫齊 處義何也蓋黨正屬民飲酒於序則其主人之所與為 賓者眾之所尊賢有德者也夫將明長幼之道則眾之 者也故禮也仁義也吾未見其七一而可行也夫鄉飲 立侍以聽政役則幼之於長有奉令承教之義也夫惟 所尊而賢有徳者其於衆也有教誨之義馬故五十者 禮不足以取中馬故鄉飲燕禮節文仁義而裁之於中 酒之禮主人坐於東南而坐賓於西北主人處仁而賓

人足日年全島 型 重其大必習其小將為其難必為其易故其心佚而不 北也故父道主義為其尊也古者諸侯之射必先行燕 有事於惡池齊人將有事於泰山必先有事於配林將 之中習之安而用之便者何也為其有漸也故學人將 禮其升降之數俯仰之節為已詳矣然至於宗廟朝廷 禮仰大夫之射必先行鄉飲酒之禮何也夫先王之為 衆出令而其道主教者義之事也此實之所以坐於西 有事於上帝必先有事於類官晉人將有事於河必先 蘇門六君子之科

道尊故其射也止於正尊畢而已御大夫士之道臣道 會時也夫會時者謹朝覲修會盟勤燕享不敢失時者 馬故必先習鄉飲者其道當然也諸侯之道君道也君 明尊卑之序也鄉大夫以米蘋為節而主於循法度士 近在於一身而鄉飲之禮主於明長幼而未及夫大者 以采蘩為節而主於不失職夫循法度不失職則其道 也故其將射也必先習燕禮以明尊軍之序而會時者 亂其體安而不愕矣諸侯之射以貍首為節貍首者樂

以先燕禮而卿大夫士所以先鄉飲飲 也臣道衆故其射也有鄉人長幼之序馬此其諸侯所

禮論二

當求其說以謂稀者祭之一名而邁且之事則有司存 昔者孔子以謂知稀之說則其於治天下也如指掌

而不能通之於治國蓋嘗思之以謂天下之所以不治

九己 日東 全等 者何也無乃起於貴賤之不明繳親爱之不篤數罷用 之無制與衣服之無別與賢不肖之失叔與五者不至 蘇門六君子文幹

之際貴者親其事而行之於身賤者承其風而被之於 叙蓋已並立而修飭矣上自王公大人而下達於里問 於郊社宗廟之際自禘祫而達於時薦均為祭也而莫 也夫百神之祀自郊丘而達於七祀均為禮也而其重 以謂明乎郊社之禮稱嘗之義則治國其如示諸掌者 政則治天下之能事畢矣此君子所以重稀之說而又 之於先君也則夫向之尊早親爱罷用衣服賢不肖之 而其國欲治者未之有也今夫郊社之於上帝也宗廟 たとり見を与 臣之於君非禮不敢見故時至然後會非法不敢貢也 天下其禮無所降矣而於發稀也有君臣之義馬故曰 故合禮然後獻俯仰進退於朝廷之間者莫非禮也故 以載大表以服此疑於畧矣此其說何也夫郊之享帝 在而為之宫室之美車服之威而至於饗帝則三獻烟 尊天而親地夫宗廟之享水陸之産茍可薦者莫不咸 隆於福當故舉郊社福當則小者無之矣夫天子之於 獻熟因地以為之丘陶絕以象其性玄酒以饗大輅 V 蘇門六君子文科

餘大夫錢之大夫之餘士錢之而後煇胞程閣無不霑 尊尊之道以簡而親親之禮以豐故享帝於郊而貴賤 以爵為位而宗人授事以官尸之餘君與鄉錢之御之 之位别矣雖然别貴賤者非獨如此而已也宗廟之中 嫌於賣此宗廟之祭所以雖降於上帝反疑於重數蓋 廟之祭則子之於父也孫之於祖也夫事親之道其見 尊而不敢褻簡而不敢賣此享帝之所以疑於畧數宗 也無時其獻也無節志於和而無事於簡主於饭而不

金りじ屋 ノニモ

澤夫歲祭之末也而尊軍之别如此此貴賤之所以别 也夫追遠之禮至於七廟而祭祀之典行於四時以事 此親爱之所由為也事帝之器不陳於廟事死之禮不 役也而從之於夫人冕而總干率其羣臣以樂皇尸而 というはんなる 一個 行於郊尊之用儀象也曇之用山也鬱尊之用黄目也 之容而其然之也與尸酹酢而求象其平日飲食之事 死如事生事亡如事存割姓賤事也行之於君執益未 不嫌於甲蓋其始也齊戒謹潔而庶幾見其聲音笑語 蘇門六君子文幹

灌之用玉墳大圭也薦之用玉且也歌者在上舞者在 視朝自天子至於士一衣之不修不敢用於祭一卷之 **徳無形也必有待以見於外射者君子之所以見其德** 與於祭而否者不與馬夫射者君子之所以觀德也夫 射以擇士其容體中於禮其節中於樂而中多者乃得 不法不敢行於廟此衣服之別也古者天子將祭則必 也大養以祀上帝龍衮以祀宗廟玄端以朝日皮弁以 下先代之樂陳於廷而四夷之樂陳於門此卷用之別

超片四個百章

盡天下之能事者如是而已矣 欠足り事全書 者先禮明乎器達乎禮通乎道而不通乎治國者吾未 者也故射中多之與於祭也非射也所以辨德也此賢 之間也故古之君佩玉東帶趨翔族揖於宗廟之中而 不足與言道不知器不足與言禮考禮者自器而辨道 不肯之别也貴賤明親愛厚罷用設衣服修賢不肯别 而國不治者未之有也道載於禮而禮蔵於罷不知禮 禮論三 E 蘇門六君子文幹

之始蕃於時則陽用事之時也故先王之政凡所以順 物之威也曰陰陽之消長也夫稀夏祭也而夏者萬物 於稀嘗其就何也益其道有三馬曰政事之節也曰品 先王之制祭祀自郊丘以速夫七祀莫非祭也而尤重 始也故政之所以順陰者當而後行馬故曰於當也出 陽義也當秋祭也而秋者萬物之既成而於時則除之 田邑於秋政順陰義也益先王之政一本於陰陽而稀 陽之氣者稀而後頒馬故曰古者於稀也發爵賜服順

當者謹陰陽之節而不敢違候時辨物以别天地之氣 者如此所以重數然則春之初也冬之然也而政不與 東作之時也夫物始生則陽氣未咸而品物未備而民 婦子以入室備寒之時也夫物生已窮則非所以備財 物之生窮寒者已敵而成者既收塞向瑾户而民率其 方趨於東作之際則趨功造事而未可以聽政役故陽 馬何也益春者物之始生勾者始奮前者始達而平秋 之政待夏而後行益夏者物威而厥民因之時也冬則 蘇門六君子文幹

多好匹庫全書 為重也夫先王之於祭也誠而已何贵於品物之威也 謹之如此此所謂政事之節也夫物之於春也始生而 益古者嘗祭未行則未發秋政未發政則民弗敢义其 者方秋而行之矣而秋者萬物始成而厥民夷之時也 於夏也始威成於秋而窮於冬既威則備於初生而已 用而民既息則非所以聽政役故凡政之所以順陰氣 多則品物備故稀當之祭備物之享也此稀當之所以 窮則關於始成故稀也當也萬物威多之際也萬物感 

齊明以臨之盛服以行之水陸之品茍可薦者無不咸 聚是亦誠之盡於已矣所謂確當者品物之盛也夫先 帝之簡也非先王之嗇也以謂無物可稱而不敢近於 祭之偷也非先王之欲也夫玉瓚而大圭玉且而雕篡 人是日耳白新 則品物之重也父矣益物者誠之表誠者物之主物備 也為夫物之未成而禮不備故也禮不備則不敢用給 而誠不至者有之矣未有誠至而物不備者也大祀上 在此先王之所以事宗廟也故天子之特初而不拾 - F 蘇門六君子文幹

金月四月石量 然給何也夫給喪畢之祭也而的稀然當者四時之祭 於常祭也不亦宜乎夫天子袷稀拾當拾孫諸侯當於 之消長也有是三者則先王之所以重謹而不敢易之 祭陽之成也而陰之微也是以先王重之此所謂陰陽 方作而未成然之於冬也則除己窮而既威故禘當之 陽之成嘗秋也於時則陰未至於盛初之於春也則陽 王之於陰陽也陽慶其成而陰惡其風稀夏也於時則 也天子先給而後時祭諸侯先時祭而後給喪畢之祭

者其别有四回東序也回替宗也回上庠也回成均 禮有常度四者立而後學之道備益所謂其學有常位 而不亂也蓋其學有常位其習有常事其教有常職其 古之養世子而教之學與夫凡學於國之學何其有序 近公天子制法者也故先所私而後法則無嫌也諸侯 從上者也故先定法而後行其私此君臣之道也 無常時而四時之祭有定法無常時者近私有定制者 禮論四 蘇門六君子文科

| 次定四軍全書 | 一

之學也其事止於學禮而已所謂上庠者有虞氏之學 所謂東序者夏后氏之學而其事有九一曰學干戈二 郊人取爵於上尊而已夫備三代之學而夏后氏之學 舞養老之事也夫樂舞養老之事聖人之所貴而其道 其事獨眾於有虞商人之學何也益凡學於東序者樂 也其事止於讀書而已所謂成均者五帝學也其事則 日學羽篇三日養老四日合語五日授數六日論說七 口償賓八曰釋奠於先老九曰養老幼所謂瞽宗者商

一次定四車全書 時遠則制畧制畧則事甲益所謂郊人者既遠之而在 郊矣故不得與於上库替宗東序之事然獨至於天子 為最近故目禮於替宗益成均者意其虞氏之前也夫 飲酒於成均然後始得酌於上尊此不云時遠而制略 於虞故讀書於上庠動事以正客近道也而商人於周 勤事以正容大觀言以取訓遠道也而三代之學莫遠 主仁東序在王宫之左而其位則仁之方也此其比於 二代之學其事為聚數夫讀書者觀言以取訓而習禮者 蘇門六君子文科

一篇師丞賛之至於羽篇則其主之無官其賛之無助何 學戈之官固已能吹篇則知學篇之官是亦篇師篇師 大胥替之而大學正投數馬至於學戈也為師主之而 誦七曰弦八曰禮九曰書所謂學干者小學正主之而 制署而事軍乎此所謂其學有常位也其目有常事者 **采而已矣夫南夷之樂也而陳於學何也益四夷之俗** 也益舞羽近於學干則知舞羽之官亦樂正與大胥而 其别有九一日干二曰戈三曰羽四曰篇五曰南六曰

CHOTO TOTAL 讀書是也春夏者物盛而形顯之時也而干戈之舞形 冬者萬物數窮形紋而體伏之時也羽舞者主於振作 之盛也故春夏習之誦與弦均為聲也而誦者人聲而 博而不厭也凡學之時施於春夏者四有通而習之者 皆有安居和味宜服利用俗器陳之於學者學之所知 **陸資於罷人聲者先王之所貴故先誦而罷次之馬秋** 干戈是也有别而習之者春誦夏珍是也施於秋冬者 四有通而習之者羽篇是也有別而習之者秋學禮冬 蘇門六君子之群

書者曰篇師曰篇師及所謂太傅少傅與夫師與保四 馬而不墮者用此道也益所謂習有常事者此也其教 故使之讀書馬安於身合乎時中子義習馬而不困久 司成日大樂正日小樂正日大胥日胥日執禮者日典 有常職者其官十有三曰太傅曰少傅曰保曰師曰大 則寒而大苦故於秋冬者人入室以居而無事之時也 均為事也而習禮者俯仰折旋勞於外而後能習於冬 而吹篇者羽聲而已故於秋冬習之秋習禮而冬讀書

トノこうう 諸德保也則慎其身以輔翼之而歸諸道則二者其職 以事的者其任勞此其理然也至所謂大司成者論說 者以道德為職者也而太傅之職無所緊不以教率不 在東序又曰凡侍坐於大司成者遠近問三席可以問 已勞矣其德有小大故官有勞佚以心治者其官佚而 以率之言以告之故曰審喻之師也則教之以事而喻 以言喻故曰審父子君臣之道以示之而已少傅則教 大司成者主學之教者也所謂大樂正者舞干成語 7:4: 蘇門六君子文粹

多好四棒在書 與其必其職雖不備見然考其事則皆供職效後以永 其上者也此治學之常職也所謂其禮有常法者其别 其職已甲矣主節夷樂而已所謂執禮者典書者篇師 正之事而為佐者也所謂胥者大胥之佐也故鼓南益 者也所謂大胥者小樂正學干則大胥賛之蓋輔小樂 記之於東序則小樂正者授數與大樂正而**衛**諸其下 統合語乞言皆大樂正授數則大司成之教而喻諸其 者也所謂小樂正者凡祭與養老乞言合語之禮而

|未足故大司成論説之以論説為未足故乞言於老者 有十所謂立學而釋真於先聖先師一也春夏秋冬而 菜示告成而不敢尊也習而後行禮也小樂正合語為 於東序四也釋菜五也大合樂六也養老七也合語 こうこう こうこう 已所有事也大合樂而後養老始立學既與罷而後釋 示不敢忘也天子視學而親祭示尊也釋真於先老示 也論說九也乞言十也立學而真示有祖也時而祭之 釋真於先師二也天子視學而祭先師三也釋真先老 蘇門六君子文幹

一到片四届 生世 一 此所謂其禮有常法凡此者先王教學之道也